

"Član 18a.

(Komisija za obradu zahtjeva)

- (1) Komisiju za obradu zahtjeva iz člana 18. stav (1) ove uredbe imenuje ministar.
- (2) Komisija za obradu zahtjeva se sastoji od predsjednika, dva člana i sekretara i imenuje se za tekuću budžetsku godinu.
- (3) Komisija za obradu zahtjeva obrađuje zaprimljene zahtjeve za dodjelu sredstava u vidu jednokratnih bespovratnih sredstava u građevinskom materijalu i jednokratnih bespovratnih sredstava za izvođenje građevinskih radova i pružanje građevinskih usluga i putem udruživanja sredstava za kupovinu stambene jedinice i utvrđuje ispunjavanje ili neispunjavanje uvjeta podnosioca zahtjeva za ostvarivanje ovog prava, boduje zahtjeve podnosioca koji ispunjavaju uvjete, te utvrđuje ispunjavanje uvjeta iz čl. 5., 7. i 8. ove uredbe.
- (4) Komisija za obradu zahtjeva donosi poslovnik o radu kojim se uređuje administrativno tehnički način rada, način odlučivanja, kvorum i druga pitanja od značaja za rad."

Član 7.

(Izmjena člana 19.)

Član 19. mijenja se i glasi:

"Član 19.

(Komisija za procjenu oštećenja stambenih jedinica)

- (1) Komisiju za procjenu oštećenja stambenih jedinica imenuje ministar.
- (2) Komisija za procjenu oštećenja stambenih jedinica se sastoji od predsjednika, tri člana od kojih jedan član obavezno mora biti stručno lice građevinske odnosno arhitektonske struke, a jedan član stručno lice geodetske struke te sekretara i imenuje se za tekuću budžetsku godinu.
- (3) Komisija za procjenu oštećenja stambenih jedinica vrši posao procjene oštećenja stambenih objekata i utvrđuje potrebe za građevinskim materijalom u skladu sa propisima i normativima za određenu vrstu građevinsko-zanatskih radova i građevinskog materijala, te projektom dokumentacijom stambenog objekta koji je predmet saniranja, a u cilju ostvarivanja funkcionalnog stanja stambenog objekta.
- (4) U slučaju potrebe utvrđivanja potpunog činjeničnog stanja po zahtjevu za dodjelu stana u vlasništvo u smislu utvrđivanja ispunjavanja uvjeta rješavanja prvi put stambenog pitanja podnosioca zahtjeva, odnosno postojanja i uslovnosti objekta, na zahtjev službe koja obrađuje zahtjeve Komisija za procjenu oštećenja stambenih jedinica vrši obilazak predmetnih objekata o čemu sačinjava zapisnik sa eventualnim prilogima - fotografijama.
- (5) Komisija za procjenu oštećenja stambenih jedinica donosi poslovnik o radu kojim se uređuje način rada, utvrđuje obim, vrstu i količinu građevinsko-zanatskih radova i vrstu i količinu građevinskog materijala u svrhu dovođenja stambene jedinice u funkcionalno stanje korisniku prava i druga pitanja od značaja za rad."

Član 8.

(Izmjena člana 20.)

U članu 20. stav (1) mijenja se i glasi:

"(1) Komisija za obradu zahtjeva za svaki vid dodjele sredstava formira liste lica koja ispunjavaju uvjete sa zbirom bodova dobivenih po osnovu općih, posebnih i dopunskih kriterija i liste lica koja ne ispunjavaju uvjete za dodjelu sredstava."

Član 9.

(Izmjena člana 21.)

U članu 21. riječi: "pravilnikom iz člana 18. stav (2) ove uredbe" zamjenjuju se riječima: "propisima i normativima za određenu vrstu građevinsko-zanatskih radova i građevinskog materijala, te projektom dokumentacijom stambenog objekta koji je predmet saniranja".

Član 10.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-9183-7/26

19. marta 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 60. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14 - Ispravka, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26) i člana 10. stav (3) Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), Vlada Kantona Sarajevo, na 120. sjednici održanoj 19.03.2026. godine, donijela je

ODLUKU**O KRITERIJIMA ZA RASPODJELU SREDSTAVA
TEKUĆE REZERVE BUDŽETA KANTONA SARAJEVO
ZA 2026. GODINU**

Član 1.

Ovom odlukom utvrđuju se kriteriji za raspodjelu sredstava iz tekuće rezerve Budžeta Kantona Sarajevo za 2026. godinu (u daljnjem tekstu: sredstva tekuće rezerve).

Član 2.

Sredstva tekuće rezerve, planirana u Budžetu Kantona Sarajevo za 2026. godinu (u daljnjem tekstu: Budžet), koriste se za nepredviđene namjene, za koje u Budžetu nisu planirana sredstva ili za namjene za koje se u toku godine utvrdi da za njih nisu planirana dovoljna sredstva, jer ih pri planiranju Budžeta nije bilo moguće predvidjeti, te u drugim slučajevima kada o tome odluči Vlada Kantona Sarajevo.

Član 3.

Korištenje sredstava tekuće rezerve po zahtjevu budžetskog korisnika, na prijedlog Ministarstva finansija Kantona Sarajevo (u daljnjem tekstu: Ministarstvo finansija) odobrava Vlada Kantona Sarajevo (u daljnjem tekstu: Vlada), ukoliko:

- a) postoji hitna potreba za budžetskim sredstvima koja budžetski korisnik nema planirana u svom budžetu ili nisu planirana u dovoljnom iznosu,
- b) se dodatni rashodi nisu mogli predvidjeti pri planiranju Budžeta i
- c) potreba za dodatnim sredstvima se ne može odgoditi za narednu budžetsku godinu.

Član 4.

- (1) Budžetski korisnik podnosi Ministarstvu finansija zahtjev za korištenje sredstava tekuće rezerve u kojem navodi:
- razloge i obrazloženje za korištenje sredstava tekuće rezerve,
 - potreban iznos sredstava tekuće rezerve i na osnovu čega je iznos izračunat,
 - obrazloženje zašto je zahtjev hitan i rashod se nije mogao predvidjeti pri planiranju Budžeta i
 - obrazloženje zašto se dodatna sredstva ne mogu uzeti iz planiranih sredstava budžeta budžetskog korisnika.
- (2) Ministarstvo finansija razmatra zahtjev budžetskog korisnika i ukoliko je zahtjev opravdan, priprema prijedlog odluke o odobravanju sredstava iz tekuće rezerve i dostavlja Vladi na donošenje.

Član 5.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-9183-8/26

19. marta 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 51. stav (1) i 54. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 45/25), Vlada Kantona Sarajevo, na 120. sjednici održanoj 19.03.2026. godine, donijela je

**ODLUKU
O USPOSTAVLJANJU I UPRAVLJANJU
GARANCIJSKIM FONDOM**

Član 1.

(Opće odredbe)

Ovom odlukom utvrđuje se uspostavljanje, način finansiranja i upravljanja Garancijskim fondom (u daljnjem tekstu: Fond), iznos i način naplate administrativne takse, način obračuna i naplate provizije i premije rizika za garancije koje izdaje Kanton Sarajevo (u daljnjem tekstu: Kanton), minimalni nivo pokrivenosti garantiranog neotplaćenog duga, kao i druga pitanja koja se odnose na upravljanje sredstvima Fonda, u skladu sa Zakonom o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 45/25 - u daljnjem tekstu: Zakon).

Član 2.

(Gramatička terminologija)

Gramatička terminologija korištenja muškog i ženskog roda za pojmove u ovoj odluci uključuje oba roda.

Član 3.

(Planiranje i održavanje Fonda)

- Fond podrazumijeva sredstva Vlade Kantona Sarajevo (u daljnjem tekstu: Vlada Kantona) koja se koriste za plaćanje obaveza po aktiviranim garancijama Kantona na ime zaduženja na koji se garancija Kantona odnosi.
- Fond predstavlja poseban budžetski fond sa podračunom u okviru Jedinstvenog računa Trezora Kantona koji je namijenjen za plaćanje po aktiviranim garancijama.
- Planiranje finansiranja i održavanja Fonda u nadležnosti je Vlade Kantona, a administrativni poslovi u nadležnosti

Ministarstva finansija Kantona Sarajevo (u daljnjem tekstu: Ministarstvo).

Član 4.

(Uplate sredstava u Fond)

Sredstva Fonda se akumuliraju uplatama administrativnih taksi, provizija i premija rizika, namjenskih novčanih depozita, prihoda od investiranja sredstava Fonda na otvorenom tržištu, sredstava iz budžeta Kantona, sredstava proisteklih iz naplaćenih potraživanja po osnovu aktiviranih garancija, te ostalim uplatama, ako je to potrebno.

Član 5.

(Isplate iz Fonda)

Sredstva iz Fonda isplaćuju se isključivo novčanim odlivima po aktiviranim garancijama, povratom namjenskih novčanih depozita i ne mogu se koristiti u druge svrhe.

Član 6.

(Ukupna vrijednost i struktura Fonda)

- Ukupna vrijednost i struktura Fonda utvrđuju se zakonom o izvršavanju budžeta.
- Minimalni iznos sredstava u Fondu je 10% iznosa garantiranog, a neotplaćenog duga.

Član 7.

(Administrativna taksa)

- Administrativna taksa predstavlja bespovratnu naknadu za fiksne i varijabilne administrativne troškove, koji se generiraju prilikom procesuiranja zahtjeva za odobrenje garancije i iznosi 5.000,00 KM.
- Administrativna taksa se uplaćuje na Jedinstveni račun trezora Kantona u korist Fonda prilikom podnošenja zahtjeva za izdavanje garancije.

Član 8.

(Provizija)

- Provizija za izdavanje garancije predstavlja bespovratnu naknadu i kao preduslov za izdavanje garancije, obračunava se i naplaćuje jednokratno unaprijed, a naplaćuje se sa ciljem osiguranja kontinuiteta sistema izdavanja garancija od strane Kantona.
- Provizija je naplativa u vrijeme izdavanja garancije Kantona. Garancija se može izdati samo ako je unaprijed naplaćena provizija za izdavanje garancije.
- Ako se garancija izdaje u stranoj valuti, provizija se naplaćuje prema srednjem kursu Centralne banke Bosne i Hercegovine važećem na dan zaprimanja zahtjeva za izdavanje garancije.
- Provizija se obračunava u procentu na iznos garancije, a naplaćuje se s ciljem osiguranja kontinuiteta sistema izdavanja garancija Kantona.
- U slučaju odobrenja zahtjeva za izdavanje garancije, iznos provizije će biti umanjen za iznos plaćene administrativne takse iz člana 7. ove odluke.
- Provizija se uplaćuje na Jedinstveni račun trezora Kantona u korist Fonda.

Član 9.

(Premija rizika)

- Premija rizika proporcionalna je nivou rizika po izdatoj garanciji i iskazuje se u procentu od iznosa duga na koji se izdaje garancija. Procenat premije rizika se utvrđuje jednokratno prilikom odobravanja izdavanja garancije, a premija rizika se utvrđuje i naplaćuje godišnje, primjenom utvrđenog procenta na ostatak duga koji garancija pokriva.